

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 271130 26 St
Zenica, 27.07.2026.godine

Općinski sud u Zenici, stečajni sudija Dino Aličić, u stečajnom postupku odlučujući o prijedlogu predlagača Društvo za trgovinu i turizam "KOSMOPOLIT TRAVEL AGENCY" d.o.o. Zenica, Ul. Maršala Tita broj 21, Zenica, kao stečajnog dužnika, koga zastupaju advokati Bakir Ljubović i Dženana Ljubović, iz Zenice, ul. Sestara Ditrich 2, te o prijedlogu predlagača "EMS RAČUNOVODSTVO" d.o.o. Zenica, Bulevar kralja Tvrtka I broj 1, koga zastupa direktor, kao povjerioca, za otvaranje stečajnog postupka nad "KOSMOPOLIT TRAVEL AGENCY" d.o.o. Zenica, van ročišta, dana 27.07.2026.godine, donio je

RJEŠENJE

Pokreće se prethodni postupak radi utvrđivanja uslova za otvaranje stečajnog postupka nad dužnikom Društvo za trgovinu i turizam "KOSMOPOLIT TRAVEL AGENCY" d.o.o. Zenica, Ul. Maršala Tita broj 21, Zenica, matični broj subjekta upisa 43-01-0405-17, JIB: 4218974850001.

Za privremenog stečajnog upravnika imenuje se Muamer Pašalić iz Zenice, ul. Dr. Ćire Truhelke 8c.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene članom 63. Zakona o stečajnom postupku i to naročito:

- obezbijediti imovinu stečajnog dužnika i starati se o njoj,
- izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- utvrditi da li postoje razlozi i uslovi za otvaranje i vođenje stečajnog postupka,
- ispitati da li imovina stečajnog dužnika može pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
- izvršiti kontrolu poslovanja stečajnog dužnika,
- utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti pismeni izvještaj ovom sudu u roku od 30 dana od svog imenovanja u kojem će izvijestiti sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje izgledi da se poslovanje stečajnog dužnika u cjelini ili u pojedinim dijelovima nastavi.

Mjere pojedinačnog prinudnog izvršenja pokrenute protiv stečajnog dužnika se obustavljaju, a izlučna i razlučna prava povjerioci ne mogu ostvariti u prethodnom postupku. Stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Pozivaju se povjerioci stečajnog dužnika da privremenom stečajnom upravniku bez odgađanja saopšte koje mjere obezbjeđenja buduće stečajne mase na predmetima imovine stečajnog dužnika oni zahtijevaju.

Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

Obrazloženje

Predlagatelj kao stečajni dužnik je dana 23.02.2026.godine, ovom sudu podnio prijedlog za otvaranje stečajnog postupka u kojem navodi da je kod dužnika nastupila platežna nesposobnost, usljed kontinuiranog pogoršanja finansijskih prilika, da nije u stanju da izvršava svoje dospjele i potraživane obaveze plaćanja, pa u cilju sprečavanja povećanja već stvorenih obaveza predlaže da se otvori stečajni postupak.

Predlagač "EMS RAČUNOVODSTVO" d.o.o. Zenica, kao povjerilac je ovom sudu dana 30.04.2026.godine, podnio je samostalan prijedlog za otvaranje stečajnog postupka nad dužnikom, u kojem navodi da dužnik ima blokirane račune, te neizmirene obaveze prema ovom predlagачu, pa predlaže sudu da nad dužnikom otvori stečajni postupak. Rešenjem ovog suda broj 43 0 St 272966 26 St od 01.07.2026.godine, spojeni su postupci i određeno da će se stečajni postupak voditi pod poslovnim brojem 43 0 St 271130 26 St.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagачa u smislu odredbe člana 58. st. 2. Zakona o stečaju („Službene novine FBiH“, broj: 53/21 i 19/25) i da je isti dopušten, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka, temeljem člana 60. Zakona o stečaju, što je predlagač i učinio.

Radi utvrđenja da li postoji stečajni razlog i da li postoje uslovi za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenog stečajnog upravnika, sa liste stečajnih upravnika, te mu naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju.

Na osnovu iznesenog, a primjenom navedenih propisa, odlučeno je kao u izreci rješenja.

Stečajni sudija
Dino Aličić

Pouka o pravnom lijeku: Protiv ovog rješenja dozvoljena je žalba u roku od 8 (osam) dana, nakon dostave prepisa rješenja ili nakon proteka 5 dana od oglašavanja rješenja. Žalbu mogu uložiti stečajni dužnik i privremeni stečajni upravnik. O žalbi protiv rješenja odlučuje Kantonalni sud u Zenici. Žalba se podnosi ovom sudu u tri primjerka.